

qui dicunt species. Accidit enim non dualitatem esse primam, sed numerum, & quod ad aliquid, eo quod per se est: & cuncta, quæcunque cum quidam sequentur, de ideis opiniones, aduersati principiis sunt item secundum existimationem, secundum quam esse dicimus ideas, non solum substantiarum, sed multorum etiam aliorum species erunt. Etenim unus conceptus non solum de substantiis, sed de ceteris etiam est: & scientia non solum substantiarum, sed etiam aliorum sunt: & cetera huiuscmodi accidentum infinita. Secundum vero necessitatem, & opiniones de eis, si species participabiles sunt, necesse est substantiarum solum esse ideas. Non enim secundum accidens participatio eorum est, sed eatenus oportet uniuscuiusque participem esse, quatenus dicitur non de subiecto. Dico autem, ut si quid ipso duplo participat, hoc etiam aeterno participat, sed secundum accidens: accedit enim duplo aeterno esse. Quare species, substantia erunt. Hoc autem hic, & ibi substantiam significant. An quicquam erit dicere esse aliquid praeter has, unum in multis? Et si eadem species est idearum, & participantium, erit aliquid commune. Cur enim magis in corruptilibus dualitatibus, & pluribus quidem, sed aeternis, dualitatem esse unum, & idem sit, quam in hac & quadam? Ecce si non est eadem species, & quin vocatio erit profectio, & simile, ac si quis & Calliam, & lignum hominem appellaret, quorum nullam inspicit communicationem. Potissimum vero dubitabit aliquis, quidnam species conferant sempiternis sensibilium, aut illis, quæ sunt, & corruptiuntur. Nec enim motus, nec aliarius transmutationis eius causa sunt. At nec ad scientiam aliorum proslt. Nec enim horum illæ substantias sunt: in his enim essent. Nec adesse cum non sint participantibus. Ita etenim fortassis cause putabuntur esse, ut albū mistum albo. Sed ista ratio facile redargui potest, quam Anaxagoras prius, Exodus vero posterius, & quidam alij dixerunt. Facile enim est, multa, & impossibilia ad hanc opinionem congerere. At nec ex speciebus cetera sunt, secundum ullū illorum modorum, qui dici solent. Dicere vero exemplaria eas esse, & cetera eis participare, vaniloquia, & metaphoras poeticas dicere est. Quod enim est, quod agit, ad ideas inspiciens?

λέγεται τὸ ἡ λέγειν παραδίγματα ἀντὶ ἐτῶ, καὶ μετέχειν ἐν τῷ τάλα, κενολογεῖν δὲ
καὶ μεταφορεῖς λέγειν ποιητικόν. τὸ γεφ ὅτι τὸ ἑργαζόμενον τοῦτος ταῦτα οἰδεῖς δημοβλέποντος
εἴ δὲ